



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

IX. Bischof Jaromar von Camin bestätigt die Stiftung des Klosters Bernstein und diesem das Patronat über die Pfarrkirche, so wie den Wohlthätern des Klosters die ertheilten Ablaßzusicherungen, am 26. ...

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

Datum et actum in villa Golyn, anno domini M^o. ducentesimo nonagesimo, Ipso die beati Benedicti abbatis.

Aus der v. Dreger'schen Abschrift des Originales.

VIII. Ablassbrief für das Kloster Bernstein vom Bischofe Conrad von Lebus,
vom 4. November 1290.

Conradus, miseratione diuina episcopus Lubucensis ecclesie, Vniuersis Cristi fidelibus presentem litteram inspecturis, Salutem in vero salutari. Sanctorum meritis inclita gaudia Cristi fideles minime assequi dubitamus, qui per condigne deuocionis obsequia cum venerantur in illis, quorum ipse gloria et corona est et retributio meritorum. Ad promerenda igitur sempiterna gaudia Cristi fideles quibusdam muneribus allectiuis, indulgentiis videlicet et remissionibus inuitamus, vt ex eis propensius diuine gratie reddantur aptiores, quo se magis dono celestis gratie senserint esse resectos. Cupientes igitur, vt noua plantatio ecclesie in Berenstene sanctimonialium, Caminenfis dyocesis, cisterciensis ordinis, dignis frequentetur honoribus, de omnipotentis Dei misericordia et beatorum Petri et Pauli apostolorum eius meritis confisi, omnibus vere penitentibus et confessis, qui dictam nouellam plantationem in festis subscriptis, videlicet in die Pasche, Penthecostes et in festiuitate ascensionis domini, in die commemorationis corporis Cristi ac in quatuor festiuitatibus beate Marie virginis gloriose, nec non sancte crucis, cena domini et per octauas earundem et in diebus sanctorum, quorum reliquie in iam sepe dicta ecclesia continentur, causa deuocionis pia mente visitauerint quique etiam ad releuandas inopias predictarum sanctimonialium pro sustentatione earum manus porrexerint adiutrices, quadraginta dies de iniuncta eis penitentia misericorditer in domino relaxamus, si ad id consensus dyocesani accesserit et voluntas, Presentibus quam diu eidem placuerit valituris, quas sine ipsius ratihabitione irritas decernimus et inanes. Datum Goricie, proximo sabbato post festum omnium sanctorum, anno domini M. CC. nonagesimo.

Nach v. Dreger's Abschrift des Originales.

IX. Bischof Jaromar von Camin bestätigt die Stiftung des Klosters Bernstein und diesem das Patronat über die Pfarrkirche, so wie den Wohlthätern des Klosters die erteilten Ablasszusicherungen, am 26. November 1290.

Jaromarus, Dei gratia Caminenfis ecclesie confirmatus, vniuersis Cristi fidelibus presens scriptum inspecturis, salutem in domino Jhesu Cristo. Cum ex officii nostri debito cultum diuini nominis augmentare teneamur et velimus et specialiter sanctimonialibus adesse propicio fa-

uore et benigno; Hinc est quod vniuersitati vestre notum esse cupimus per presentes, quod fundacioni monasterii sanctimonialium in Berensten, ordinis Cisterciensis, Caminensis diocesis, tam pie quam deuote per inclitum principem Albertum, Marchionem de Brandenburg, nouiter fundati et instaurati, nostrum assensum impertimur, consensum et fauorem, omnia etiam que jam dictus princeps eidem monasterio in agris, stagnis, pascuis, molendinis et rebus aliis quibuscunque contulit et donauit aut in futurum donabit, ipsi monasterio sanctimonialibusque ibidem irreuocabiliter confirmamus. Ecclesiam vero parochialem ciuitatis in Berensten cum omnibus v'sitatibus, oblationibus et prouentibus suis quibuscunque, cuius jus patronatus per sepe memoratum principem nostro accedente consensu prefatis sanctimonialibus suoque monasterio collatum fuerat ordinatum, v'sibus suis deputamus et confirmamus, per earundem sanctimonialium capellanum perpetuis temporibus officendam, qui a nobis aut suo archidiacono curam recipiat animarum: et quidquid de jam dicta ecclesia deriuari poterit, v'sibus et necessitatibus sanctimonialium fideliter applicetur. Indulgentias vero, que a venerabilibus patribus Archiepiscopis et episcopis sepedicto monasterio in remissionem peccatorum Cristi fidelium, qui manus adiutrices jam dictis sanctimonialibus porrexerint aut ipsarum monasterium pia deuotione certis diebus in priuilegiis et literis indulgentiarum contentis v'sitauerint, indulte sunt et concessæ, ratas et gratas habemus. Iphis vero indulgentiis nostrum impertiendo consensum, Cristi fidelium, qui consilium, auxilium vel fauorem prefato monasterio impenderint, deuotionem in domino commendamus. Omnes etiam raptores, inuafores et alios quoscunque, qui ausu temerario violenter res ipsius monasterii inuadere presumpserint, vinculo excommunicationis et anathematis se nouerint feriendos. Datum et actum in Werben, anno domini M. CC. XC. in crastino Katherine virginis beate.

Aus von Dreger's Abschrift des Originals.

X. Die Ritter Zulis und Ludekin von Wedel schenken dem Nonnenkloster Bernstein sechs Hufen Landes im Dorfe Balfenberg, am 17. April 1291.

In nomine sancte et indiuidue trinitatis amen. Tzulis et Ludekinus, Dei gratia milites, Vniuersis fidei Cristiane professoribus, ad quos presens scriptum peruenerit, Salutem in eo, qui saluat omnem hominem et neminem uult perire in perpetuum. Quoniam propter humane labilitatem memorie et continuam temporis successionem vniuersa, que ab hominibus disponuntur et ordinantur, vna cum temporis fluxibilitate in obliuionem, que mater est erroris, transeunt et desluunt, necessarium arbitramur, ut acta, que robur perpetue firmitatis fortiri debent, scripture testimonio sic muniantur, quatenus processu temporis versutorum malicia locum in eis non inueniat malignandi. Igitur notum esse volumus tam presentis quam futuri temporis nationibus, Quod nos deuotis sanctimonialibus et in Cristo nobis dilectis monasterii gloriose virginis Marie in Berensten ac successoribus earum nec non et ipsi monasterio cystercienſis ordinis et Caminensis dyocesis, ob amorem et reuerentiam omnipotentis Dei et gloriose virginis Marie, nec non pro nostris nostrorumque progenitorum delendis peccaminibus, sex mansos cum omnibus profectibus et prouentibus et inte-